



GOLDEN TOURS

Tuzla

www.goldentours.ba

GOLDEN TOURS TUZLA

tel. 035 249 220/222, 035 258 313, fax. 035 249 223

e-mail: goldentuzla@yahoo.com, goldentuzla@gmail.com;

Čarobna Toskana- autobusom iz Sarajeva i Tuzle PISA – FIRENCA - SIENA

TOSKANA je poznata širom svijeta jer su njezine lokacije nerijetko **inspiracija** u filmovima i knjigama, te je popularno turističko odredište u **Italiji**. Riječ je o jednoj od najpoznatijih talijanskih regija- Toskani. Smještena u središnjem dijelu države s približno 23 000 kilometara kvadratnih, dio je Italije koji zaista vrijedi posjetiti.

Ljepota Toskane proizlazi iz činjenice da se proteže od **Apenina** na istoku **do Ligurskog i Tireskog mora** na zapadu. Na njezinom se području planinski prizori Apenina susreću s Mediteranom, a more joj krasi otoci Elba, Ciglio, Caparia i drugi. Parkovi i priroda Toskane glavne su atrakcije ove talijanske čarobne i romantične regije, a posebno se ponosi titulom izvora slavne talijanske umjetnosti i povijesti.

Polazak: 23.11.2022. (Srijeda)

Povratak: 27.11.2022. (Nedjelja)

1. Dan 23.11.2022. SARAJEVO – ZAGREB- ITALIJA

Polazak autobusom ispred Zemaljskog Muzeja u Sarajevu 18:00 sati. Vožnja pravcem Sarajevo - Zenica – Doboj – Zagreb sa odmorima po potrebi grupe.

Polazak iz Tuzle, ispred hotela Tuzla, u 19:00 sati. Vožnja pravcem Tuzla – Gračanica – Doboj – Zagreb, sa odmorima po potrebi grupe.

2. Dan 24.11.2022. PISA - MONTECATINI TERME

Vožnja kroz Sloveniju i Italiju, pored Venecije i Bolonje, uz usputna zaustavljanja. Fakultativno odlazak do Pise i razgledanje grada: Piazza Dei Miracoli, Kosi toranj, Katedrala. Nastavak putovanja do Montecatini Termi. Po dolasku u poslije podnevnim satima, prijava i smještaj u hotel. Slobodno večer. **Noćenje.**

3. Dan 25.11.2022. MONTECATINI TERME - FIRENCA - MONTECATINI TERME

Doručak, Fakultativno cjelodnevni izlet u Firencu autobusom ili direktnim vozom Montecatini Terme – Firenca (Stanica u centru Firence, Santa Maria Novella). Po dolasku, razgledanje centra grada pješice (dio Unescove svjetske baštine) u pratnji vodiča: Bazilika Santa Maria Novella, Katedrala, Palazzo Vecchio, Piazza della Signoria, Ponte Vecchio, srednjovjekovni most preko rijeke Arno, uzduž kojeg se nalaze zlatarne i suvenirnice. U večernjim satima posjeta shopping centru i povratak u Montecatini Terme. **Noćenje.**

4. Dan 26.11.2022. MONTECATINI TERME - SIENA - MONTECATINI TERME

Doručak, Fakultativno izlet u Sienu. Vožnja autobusom do Siene. Po dolasku, šetnja historijskim centrom grada u pratnji vodiča: bazilika Sv. Dominika; katedrala; Piazza del Campo. Povratak u Montecatini Terme. **Noćenje.**

5. Dan 27.11.2022. MONTECATINI TERME – SLOVENIJA – HRVATSKA - BIH

Doručak i odjava iz hotela. Polazak prema BiH. Vožnja istim pravcem. Planirano vrijeme dolaska u BiH je u poslije ponoćnim satima. **Kraj usluge.**

Cijena 349,00 KM za rezervacije do 10.11.2022.

CIJENA UKLJUČUJE:

Prevoz turističkim autobusom, smještaj u hotelu 3* u Montecatini termama, na bazi 3 noćenja sa doručkom (u centru), posjete prema programu putovanja, pratilac grupe, troškovi organizacije i rezervacije.

CIJENA NE UKLJUČUJE:

Posjeta Firenci sa razgledom grada (bez ulaznica), uz asistenciju vodiča 25 EUR, Posjeta Sieni sa razgledom grada (bez ulaznica) 30 EUR, obavezna doplata za posjetu Pizzi sa razgledom grada (bez ulaznica) 20 EUR, putno zdravstveno osiguranje 10 KM, boravišna taxa koja se plaća u gotovini, 2 € po danu i osobi.

POPUST: za djecu do 12,99 godina cijena 279,00 KM.

NAPOMENA: Svi fakultativni izleti i posjete su na dobrovoljnoj bazi, plaćaju se predstavniku agencije u inostanstvu i za iste Golden tours doo nije u mogućnosti izdati fiskalni račun niti bilo koju vrstu potvrde.

Moguća je promjena redoslijeda fakultativnih izleta i posjeta u skladu sa vremenskim i drugim uslovima, što ne može uticati na kvalitet programa.



GOLDEN TOURS

Tuzla

www.goldentours.ba

GOLDEN TOURS TUZLA

tel. 035 249 220/222, 035 258 313, fax. 035 249 223

e-mail: goldentuzla@yahoo.com, goldentuzla@gmail.com;
Str. 2.

PIZA - Mediteranski grad u Toskani, podignut na mjestu gde rijeka Arno skoro dodiruje veliki Đenovski zaliv, sa dugom i više nego zanimljivom historijom. U staro doba na ovom mjestu se nalazilo etrusko naselje, u II vijeku prije n.e. postao je rimska kolonija a Hrišćanstvo se razvija još od vremena Milanskog edikta 313. godine. Piza je kao jedan od glavnih centara Toskane bila mjesto koje je pratilo sva aktuelna historijska, naučna i umjetnička kretanja u Europi. Tu su rođeni umjetnici Andrea, Đovani i Nikola Pizano, tu se u XVI vijeku rodio i slavni Galilej, veliki matematičar, fizičar i astronom... Proći kroz Italiju danas, obići Toskanu a ne posjetiti Pizu, predstavlja gotovo nemoguć itinerer. Glavna atrakcija grada Pize je svakako čuveni krivi toranj, dio gradske katedrale, jedno od svjetskih čuda Zapada i turistički najposjećenije mjesto. U kompleksu pizanske katedrale na trgu Duomo, nalazi se i čuvena akustična krstionica, zatim prostrani Kamposanto sa svojim impozantnim nadgrobnim statuama i dva muzeja sa vrlo vrijednim zbirkama. Osim sa tornja, predivan pogled na okolinu i rijeku Arno pruža se sa tvrđave „La Cittadella“ sagrađene još u ranom XV vijeku.

FIRENCA - se nalazi u centralnom dijelu Italije, na obalama rijeke Arno, skoro na podjednako udaljenosti (oko 300 km) od Rima i Milana. Najveći je i glavni grad pokrajine Toskane sa oko 400.000 stanovnika. Ovaj grad je na mapi svijeta jedan od najvrijednijih kulturno-historijskih centara i nalazi se među najpoznatijim turističkim destinacijama. Ime Firence potiče od latinske riječi Florentia sa značenjem – cvjetna i u sličnom obliku npr. Florence, se i danas zove na mnogim jezicima. Dobro očuvano staro gradsko jezgro, sa trgovima, parkovima i remek djelima arhitekture, je pod zaštitom UNESCO kao dio svjetske baštine. Unutrašnjost mnogobrojnih crkava, palata i galerija krije čitav univerzum vrhunskih djela vizuelne umjetnosti. Istorijski, Firenca je još od srednjeg vijeka postala grad od izuzetnog značaja za čitavu Toskanu ali i širi region današnje Italije. Sa pravom je nosila epitet „srednjovekovne Atine“ ili „italijanske Atine“. Pravi procvat je doživjela u periodu XV vijeka, kad je pod dominacijom moćne porodice Mediči, velikih pokrovitelja umjetnosti i kulture, ovdje zapravo „rođena“ renesansa. Po anketama vodećih svjetskih časopisa, Firenca godinama dobija status najljepšeg grada na svijetu, turistički, po nekim procjenama zauzima treće mjesto - 13 miliona turista godišnje su više nego dobra ilustracija za to.

SIENA - je jedna od najpoznatijih talijanskih destinacija i gotovo je cijelu godinu pod opsadom turista iz cijeloga svijeta, a sve to zahvaljujući predivnoj atmosferi, romantičnim kafićima, odličnoj gastro ponudi i predivnoj arhitekturi. U centru Siene se nalazi veliki glavni gradski trg Piazza del Campo, odlično mjesto za fotografiranje i za sjesti i odmoriti, a možete ovdje u restoranu uz trg nešto i pojesti. Uz glavni gradski trg izdvajamo i predivni Duomo, jedinstvenu građevinu koja predstavlja remek-dijelo gotičke arhitekture. Grad Siena je zapravo podijeljena u 17 četvrti koje se nazivaju Kontrade, a dobro je znati kako svaka četvrt ima naziv po nekoj od životinja (primjer – orao, sova, gusjenica)... Ovaj predivan grad slikovitih ulica, gotičkih crkava, bogate historije i kulture jedan je od najljepših i najromantičnijih gradova ne samo Italije nego i cijele Europe.

USLOVI ZA ULAZAK U ITALIJU NA DAN 04.08.2022. - COVID 19:

Za ulazak u Italiju iz BIH ukinuta su pravila COVID 19.

OSTALI USLOVI: Pasoš koji vrijedi najmanje 90 dana od dana povratka u BiH ili važeći pasoš neke druge zemlje uz propise koji vrijede za ulazak u Italiju putnika koji posjeduju pasoš neke druge zemlje.

PRIJAVE, REZERVACIJE, PLAĆANJE: Prijave dolaskom u agenciju, emailom, viberom. Rezervacije uz minimum 30 % uplate akontacije, ostatak 10 dana prije polaska. Plaćanje gotovinski, putem banke, credit card.

Program radjen na bazi 40 putnika.

Datum: 04.08.2022.godine

Uz ovaj program važe opšti uslovi o organizovanju putovanja Golden tours doo!